



Pinerlutsaaliuinermut Siunnersuisoqatigiit
Det Grønlandske Kriminalpræventive Råd

PiSiu

Pinerlutsaaliuinermut Siunnersuisoqatigiit
Det Grønlandske Kriminalpræventive Råd

Ukiumoortumik nalunaarut 2021





Imarisai

Aallaqqaasiut.....	3
PiSiup siunertaa.....	4
Danmarkimi Det Kriminalpræventive Rådimik suleqateqarneq.....	4
PiSiup 2021.....	5
PiSiup 2022-mi.....	6
PiSiup allattoqarfia	6



Aallaqqaasiut


Justitsministerimut aammalu Naalakkersuisunut.

PiSiup suleriusissaa pillugu nalunaarut nr. 1178 9. december 2008-meersumi § 7 naapertorlugu PiSiu ukiut tamaasa Justitsministerimut aammalu Namminersorlutik Oqartussanut nalunaarusiortassaaq, Siunnersuisoqatigiit ukiumi qaangiuttumi sulisimanerat pillugu.

PiSiu naalisarlugu isumaqarpoq, Pinerlutsaaliuinermut Siunnersuisoqatigiit.

Uani ukiumoortumik nalunaarusiamni 2021-mi PiSiup suliarisimasai nassuaatigineqassapput. Suliat PiSiup pilersaarasiaani 2021-2024-mut atuuttumi, maanna ukiup aappassaanut ingerlasumi, suliat eqqartorneqarput.

2021-mut nalunaarusiaq matumuuna tunniunneqarpoq.

PiSiu sinnerlugu

Julie Hjorth Lynge
PiSiumi Siulittaasoq

PiSiup siunertaa

PiSiup 2009-mi pilersinneqarnermi kingornatigut Nunatsinni pinerlutsaaliuinermik suliaqarsimavoq isumannaallisaanermi suliniutit, paasitsinsiaanerit aammalu misilitakkaniq paarlaasseeqatigiinnikkut kiisalu sumiiffinni SSSPKmik ataatsimiititalianik (maanna pinaveersaartitsinermut ataatsimiititaliat) siunnersuinikkut.

Pinaveersaartitsinermi sulineq sammivilerniarlugu PiSiup 2021-2024-mut takorluukkat anguniakkallu uku aalajangersarnikuuai:

- **Takorluugaq:** Pinerluttarnerup appartinnissaa siunertalarlugu pinaveersaartitsilluni sulinisamut nukittorsaallunilu isummersitsineq
- **Anguniagaq:** Paasisitsiniaasarnikkut aammalu misilitakkaniq paarlaasseeqatigiinnikkut kiisalu sumiiffinni SSSPK-mik ataatsimiititalianik (maanna pinaveersaartitsinermut ataatsimiititaliat) siunnersuinikkut pinerlunnernik pinaveersaartitsineq

Danmarkimi Det Kriminalpræventive Rådimik suleqateqarneq

PiSiup Danmarkimi Det Kriminalpræventive Rådimik suleqateqarneq suli qaninnerulersinniarlugu sulissuteqarpoq. Suliat arlalippassuupput pinerlunnernik pinaveersaartitsinermi suliniutaasut, Danmarkimi Det Kriminalpræventive Rådimik suliarisartagai, pillugit ilisimasanik annertuunik PiSiup iluaqtigisinnasaai. Periarfissaq taanna atorneqanngilaq, taannalu periarfissaavoq ilisimasanik atortunillu, kalaallinut naleqqussarneqarsinnaasunik, paarlaasseeqatigiinnissamut qaninnerusumik suleqatigiinnissamut. Piffissami aggersumi suliaq taanna ingerlaqqissaaq.

2021-p ingerlanerani PiSiup Danmarkimi Det Kriminalpræventive Rådi tikeraarnikuuai, tassanilu suliatigut avitseqatigiittarnissaq aammalu ilaatigut misissueqqissaartarnermi immikkoortortaqarfia suleqatiginera annermik ukkatarineqarsimallutik. Ilaatigut PiSiup Den kriminalpræventive pris (pinerlutsaaliuinermi nersornaasiineq) pillugu avitseqatigiinnissaq ujartorpaa, tamanna Danmarkimi ingerlalluarmat, taamaattumillu paasisimasaat misilittagaal lu PiSiup atorluarsinnaammag. Tamatuma saniatigut PiSiup Nunatsinni Nabohjælpip (sanilinut ikiuineq) siammerterneqarnissaa pillugu Danmarkimi Det Kriminalpræventive Rådimik attaveqartuarpoq.



PiSiu 2021

PiSiup 2021-2024-mut pilersaarusiaa paasissutissanik suleqatigiinnernillu peqqissaarussamik sinaakkusersugaavoq. Pilersaarusiaq tamanna atorlugu Nunarput tamakkerlugu pinaveersaartitsinermi pinerlutsaaliuinermilu sulinermi PiSiu ersarissumik siunnerfeqartitseqataarusuppoq. PiSiup pilersaarusiaq aqutigalugu inuaqatigiinni inissisimaffiminik nukittorsaarusuppoq ersarinnerulerusul-lunilu nalunaarutinik, ilisimalikkanik aammalu sammisanik, siammasissumik pinaveersaartitsinermi PiSiup pingartitaanik, siammerterinissaq ukkatarissallugu.

Pilersarusiami naleqqat sisamaasut ukuusimapput:

- Inuuusuttut pinerluttarnerat
- Kinguaassiuutitigut pinerliisarnerit
- Qarasaasiatigut pissusilersuutit
- Paasissutissiineq suleqatigiinnerillu

Pilersarusiami nalerarisat iluini PiSiu 2021-mi assigiinngitsunik aaqqissuussivoq suliniuteqarlunilu, taakkulu nalerarisanik suliaqarnerup ingerlannissaanut aqtsisuusimapput. Aaqqissuussat suliniutillu taakku ataani eqqartorneqassapput. PiSiu qarasaasiatigut pissusilersuutit pillugit suliaqarnikuunngilaq.

Nakuusertarneq, kinguaassiuutitigut pinerliisarnerit aammalu inuuusuttut pinerluttarnerat

Peqatigiiffik Kalaallit Meerartaat suleqatigalugu PiSiup 2020-mi suliniut TASSA! aqutigalugu nakuusertarneq ukkatarivaa – nakuusernermik pinaveersaartitsineq. Nakuusertarneq pinaveersaartintiarlugu annertuumik pisariaqartitsisoqarneranik naliliisoqarpoq, 2020-p ingerlanerani inuuusuttut pinerluttarneranni nakuusernernik nalunaarutiginninnerit amerlisimanerat paasineqarmat. Taamaat-tumik PiSiup aammalu Peqatigiiffik Kalaallit Meerartaat akunnerminni pisortatigoortumik suleqati-giinnermut atsioqatigiipput. PiSiup 2021-mi TASSA!'mut aningaasanik annertuumik atuinikuuvoq, suliniutip immikkoortui tamaasa PiSiup peqataaffigisimammagit, ilinniartitsissutissat aallartisarne-rannit meeqqat atuarfiini klasseni arfineq-marluusuni misilinneqarnissaat tikillugu. Ilinniartitsissutissat atornissaanni ilaatigut anguniagaavoq inuuusuttut nakuusertarnerit assigiinngitsut, ilaatigut timikkut, tarnikkut aammalu kinguaassiuutitigut nakuusertarnerit, pillugit paasisaqarnerunissaat kiisalu killiliinissamik ilinniarnissaat aammalu peqqinnartumik ingerlariuseqarnissaat. Taamaalior-nikkut suliniut PiSiup 2021-mut naleraanut arlariinnut sammissammatt.

Paasissutissiineq suleqatigiinnerillu

PiSiup uagullu sulerinerput ersarinnerulersinniarlugit 2021-mi ilaatigut Nunatsinni Pinerlutsaaliuinermi Nersornaat (Den Kriminalpræventive pris) pilersinniarlugu sulissutigaarput. Tamanna aq-qutigalugu sumiiffigisani suliniuteqartut suleqatigalugit pinaveersaartitsinermik suliniarneq aammalu pinaveersaartitsinermi suliniutinut tapersersuiniarluta ukkatarilersinniarparput. Tamatuminnga suli-neq 2022-mi ingerlateqqissavarput, naatsorsuutigaarpullu nersornaat siullermeersumik tunniunneqarumaartoq.

Siunnersuisoqatigiit 2021-mi

Ilaasortat nutaat

PiSiup 2021-mi nutaamik siulittaasortaарpoq. Bjørn Tegner Bay, Kalaallit Nunaata Politiivinit aallartitaasoq, siulittaasutut tunuarnikuuvooq, siunnersuisoqatigiinnili ilaasortatut ingerlaqqilluni. Julie Hjorth Lynge, nammineq kajumissutsiminnik suliaqartut peqatigiiffiinit aallartitaasoq, siulittaasutut toqqarneqarpoq. Taakku saniatigut ilaasortat nutaat marluk, kommunenit aammalu Isumaginninermut Naalakkersuisoqarfimmit aallartitaasut, ilaasortanngorput.

PiSiup 2022-mi

PiSiup pilersaarusiami annertut nalerarisat ilaat annerusumik ukkatariniarpaa. Sulineq suleqatissat pingaarutillit isumaqatigiissutiginissaannut annertuumik tunngassaaq, tamatumanilu pinaveersaartitsinermi suliāt, ilaatigut paasitsiniaanerit saqqummiisarnerillu, aqutigalugit innuttaasunik qaam-marsaanissaq sammineqassaaq. Taamaammat 2022-mi PiSiup sulineranik oqariartuutaanillu ilisi-manninnerup annertusarnissaa pingaartinneqassaaq pinaveersaartitsilluni sulinerit sukumiinerusut suliariniarlugit, ilaatigut Nunatsinni Pinerlutsaaliuinermi Nersornaat (Den Kriminalpræventive pris).

PiSiup allattoqarfia

PiSiup allattoqarfia ingerlatsinermi Kalaallit Nunaata Politiivini inisisimavooq. Allattoqarfik Pinaveersaartitsinermut aammalu Misissueqqissaarnermut immikkoortoqarfimmiippoq, annermik sulisup ataatsip allattoqarfimmi suliassat akisussaaffigisarlugit.